



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423

Broj: **UP-1/21-3-40-439-4/23**

Datum: **08.11.2023. godine**

„Agencija za vodno područje rijeke Save“ Sarajevo (u daljnjem tekstu: Agencija) rješavajući po zahtjevu pravnog lica „2B“ d.o.o. Velika Kladuša, za izdavanje vodne dozvole za ispuštanje tehnoloških otpadnih voda sa lokacije pogona za proizvodnju ambalaže od plastičnih masa sa pratećim sadržajima, na osnovu člana 139. stav 1. tačka 3. Zakona o vodama („Službene novine Federacije BiH“, broj 70/06) i člana 200. stav 1. Zakona o upravnom postupku („Službene novine Federacije BiH“, broj 2/98, 48/99 i 61/22), donosi:

RJEŠENJE o vodnoj dozvoli

1. Daje se vodna dozvola pravnom licu „2B“ d.o.o. Velika Kladuša za ispuštanje tehnoloških otpadnih voda sa lokacije pogona za proizvodnju ambalaže od plastičnih masa sa pratećim sadržajima, izgrađenog na zemljištu označenom kao k.č. broj: 909/1, 909/2 i 909/3 (pristupni put), K.O. Mala Kladuša, u naselju Mala Kladuša, općina Velika Kladuša.
2. Ova vodna dozvola se odnosi isključivo na ispuštanje tehnoloških otpadnih voda za predmetni poslovni objekt definisan tačkom 1. ovog rješenja i ne oslobađa podnosioca zahtjeva obaveze pribavljanja vodne dozvole za korištenje vode i ispuštanje sanitarnih otpadnih voda, za čije je izdavanje nadležno Ministarstvo poljoprivrede, vodoprivrede i šumarstva Unsko-sanskog kantona, u skladu sa članom 139. stav 2. tačka 1. i 2. Zakona o vodama.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uslovima:
 - Da korisnik predmetnih objekata, u toku važenja ovog rješenja iste koristi u skladu sa revidovanom i dopunjenom investiciono-tehničkom dokumentacijom – Izmjena i dopuna Glavnog projekta sakupljanja, tretmana i ispuštanja otpadnih voda proizvodno-poslovnog objekta „2B“ d.o.o. Velika Kladuša; urađen od strane Instituta za kvalitet, standardizaciju i ekologiju TQM d.o.o. Lukavac pod brojem: 10-100/19, od jula 2020. godine.
 - Da se za odabrani koncept tretmana tehnoloških otpadnih voda – ugrađeni biološki SBR uređaj, koristi u skladu sa tehničkom dokumentacijom uz priloženo valjano obrazloženje, od načina nastanka tehnoloških otpadnih voda, njenih fizičko-hemijskih i drugih karakteristika, do postupka i procesa u predmetnom uređaju, kojim će se otpadne vode dovesti u zadovoljavajuće stanje za ispušt u prirodni recipijent, u skladu sa dozvoljenim vrijednostima propisanim Uredbom o ispuštanju otpadnih voda u okoliš i sisteme javne kanalizacije.
 - Naročito voditi računa o načinu dovoza ljepljivosti, boja i drugih hemikalija, načinu zbrinjavanja ambalaže te načinu zbrinjavanja taloga iz uređaja za tretman nakon procesa prečišćavanja te ostalog opasnog otpada.
- 3.1. Usvojenim sistemom prečišćavanja otpadnih voda mora se obezbijediti kvalitet efluenta u skladu sa propisanim graničnim vrijednostima emisije u prečišćenoj vodi, definisane u tabeli 1.1. (kolona 3) date u Prilogu 1. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20 i 96/20).
- 3.2. Opasni materijal i otpad, kako u toku izvođenja radova tako i u toku rada pogona se ne smije ni privremeno odlagati na česticu «vodno dobro», odnosno u vodotok i na njegove obale.
- 3.3. Da se smještaj ljepljivosti vrši u nadzemnim rezervoarima kapaciteta $2 \times 10 \text{ m}^3$, skladištenje ukapljenog naftnog plina vrši u nadzemnom rezervoaru kapaciteta 10 m^3 , na način da se manipulacijom sa istima spriječi njihovo dospijavanje u tlo, površinske i/ili podzemne vode.
- 3.4. Da se smještaj i upotreba hemijskih supstanci (ljepljivosti, boje za štampanje, razrjeđivači) koje se dobavljaju u PVC kanisterima, vrši na način da se onemogući dospijavanje istih u tlo, površinske i/ili podzemne vode.

- 3.5. Da se istrošena ulja, nauljene krpe i sav opasan otpad koji se može pojaviti u proizvodnom procesu i u procesu čišćenja i održavanja postrojenja redovno prikuplja i propisno, privremeno skladišti u spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
- 3.6. Da korisnik predmetnog objekta, za vrijeme trajanja ove dozvole, obezbjeđuje da se onečišćene vode sa saobraćajnih i radnih površina nesmetano sakupljaju i odvođe do objekata predviđenih za tretman onečišćenih oborinskih voda (taložnici i separatori ulja i masti), a zatim tretirane vode ispuštaju u recipijent.
- 3.7. Da se oborinske vode sa krovova objekata kompleksa pakupe i zatvorenim sistemom kanalizacionih cijevi odvedu direktno u recipijent, odnosno, sve prema priloženoj projektnoj dokumentaciji, iz tačke 3.1. ovog Rješenja.
- 3.8. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta na mjestima postojećih ispusta u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
Izveštaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 3.9. Objekte za prikupljanje, tretman i ispuštanje onečišćenih otpadnih voda (slivnici, rešetke, kanalizaciona mreža, uređaji za tretman, i dr.) potrebno je održavati i koristiti na način koji će obezbijediti njihovu potpunu ispravnost i funkcionalnost. Čišćenje i praznjenje uređaja za tretman otpadnih voda može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o praznjenju, odvozu i zbrinjavanju sadržaja iz uređaja za tretman otpadnih voda, neophodno je voditi službenu evidenciju i arhivu.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanja i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj: 92/07, 46/09, 79/11, 88/12 i 03/16), Prilog 1, Poglavlje V – Određivanje koeficijentata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, pravno lice „2B“ d.o.o. Velika Kladuša je dužno provoditi sve mjere i aktivnosti propisane istom.
6. U slučaju vanrednih situacija, havarijskih oštećenja i drugih sličnih okolnosti, čime bi bio ugrožen kvalitet voda obavezno izvjesti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
7. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi, što se naročito odnosi na mogući negativni uticaj na registrovana izvorišta vode za piće.
8. Površine za pretakanje goriva (ukapljeni naftni plin) potrebno urediti na način da se spriječi eventualno dospijevanje plina u tlo, površinske i/ili podzemne vode, te isti ugraditi prema važećim zakonskim propisima.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta obuhvaćenog ovom vodnom dozvolom, korisnik zaštitnih vodnih objekata nije odgovoran za nastale štete.
11. Ova vodna dozvola, shodno članu 117. stav 1. Zakona o vodama («Službene novine Federacije BiH», broj 70/06) se daje sa rokom važenja od **5 godina**, od dana pravosnažnosti ovog rješenja.
12. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

13. Prije isteka važnosti ove dozvole, korisnik je dužan da podnese zahtjev za izdavanje nove vodne dozvole.
14. Ukoliko nosilac prava iz ove vodne dozvole u toku važenja iste, ne poštuje uslove propisane dispozitivom ovog rješenja ili ne zadovolji propisane kriterijume koji se odnose na parametre kvaliteta tehnoloških otpadnih voda navedenih u tački 3.2. dispozitiva, ne može u skladu sa važećom legislativom dobiti novo odobrenje za ispuštanje tehnoloških otpadnih voda.

Obrazloženje

Pravno lice, „2B“ d.o.o. Velika Kladuša, obratilo se ovoj Agenciji dana 12.10.2023. godine zahtjevom za izdavanje vodne dozvole za ispuštanje tehnoloških otpadnih voda sa lokacije pogona za proizvodnju ambalaže od plastičnih masa, izgrađenog u naselju Mala Kladuša, općina Velika Kladuša.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Ovjerena kopija Rješenja o izmjenama podataka, broj: 017-0-Reg-23-000517, izdano dana 27.09.2023. godine od strane Općinskog suda u Bihaću,
- Ovjerena kopija uvjerenja o poreznoj registraciji, izdano dana 09.01.2003. godine od strane Federalnog ministarstva finansija, Porezne uprave – Kantonalni ured BIHAĆ,
- Ovjerena kopija Uvjerenja o registraciji/upisu u Jedinствeni registar obveznika indirektnih poreza, broj: 04/1-UPP/1-600/07, izdano dana 01.08.2007. godine od strane Uprave za indirektno – neizravno oporezivanje Banjaluka,
- Kopija Potvrde plaćanja upravne pristojbe,
- Kopija rješenja, kojim se daje urbanistička saglasnost d.o.o. „2 B“ iz Male Kladuše, za izgradnju proizvodno-skladišnog objekta u Maloj Kladuši, na zemljištu koje je označeno kao k.č. br. 908/2 i 909, livada II klase, ukupne površine 6722 m² upisano u PI br. 50 K.O. Mala Kladuša po novom premjeru, što odgovara starom premjeru k.č. br. 10/3, 10/4, 9/1, 9/2 i 4. upisane u zk.ul 835 K.O. Mala Kladuša; izdano od strane Općinskog načelnika općine Velika Kladuša pod brojem 05/1-23/1-34/05, dana 02.03.2005. godine, u Velikoj Kladuši. Sastavni dio rješenja čine i priloženi Urbanističko-tehnički uslovi, urađeni od strane Odjeljenja za urbanizam Službe prostornog uređenja, resursa i zaštite okoline, broj: 34/2005,
- Kopija Rješenja, kojim se odobrava „2B“ d.o.o. iz Male Kladuše, da kao investitor može početi sa izgradnjom proizvodno-skladišnog objekta, dvorišne ograde sa potpornim zidom oko poslovno-proizvodnog objekta u Maloj Kladuši, na zemljištu označenom kao k.č. broj 909/1, 909/2 i 909/3 K.O. Mala Kladuša po novom i k.č. br. 10/4 K.O. Mala Kladuša po starom premjeru, pod uvjetom da se pridržava ovjerene tehničke dokumentacije, datih urbanističko-tehničkih uvjeta i pribavljenih saglasnosti; izdano od strane Općinskog načelnika Općine Velika Kladuša pod brojem 05/1-23/2-123/05, dana 04.08.2005. godine,
- Kopija rješenja, kojim se daje upotrebna dozvola d.o.o. „2B“ d.o.o. iz Male Kladuše za upotrebu proizvodno-poslovnog objekta u Maloj Kladuši, prema odobrenju za građenje broj: 05/1-23/2-177/05 od 02.11.2005. godine izdano od ovog organa; izdano od strane Općinskog načelnika općine Velika Kladuša pod brojem 05/1-23/2-123/05, dana 04.08.2005. godine, u Velikoj Kladuši,
- Kopija Komunalne saglasnosti investitoru „2B“ d.o.o. iz Male Kladuše, za priključak objekta na vodovodnu mrežu i načinu rješavanja kanizacionog sistema za otpadne vode, izdata od strane JKP „Adnan Redžić“ pod brojem 1-25/2005 od 23.03.2005. godine.
- Kopija odgovora na upit o okolinskoj dozvoli, upućen prema Federalnom ministarstvu okoliša i turizma u Sarajevu od strane pravnog lica „2B“ d.o.o. Velika Kladuša za pogon za pripremu i izradu štamparske forme koji se nalazi na zemljištu označenom kao k.č. broj: 909/1 i 909/2 k.o. Mala Kladuša, općina Velika Kladuša, kapaciteta spremnika UNP-a 10 m³; te dostavljenoj informaciji da ne podliježe obavezi izdavanja okolinske dozvole /saglasnosti, broj: 05/2-19-5-145/23 SC izdato dana 12.04.2023. godine,
- Kopija Rješenja o vodnoj dozvoli, kojim se daje vodna dozvola investitoru „2 B“ d.o.o. Velika Kladuša za ispuštanje tehnoloških (industrijskih) otpadnih voda i aktivnosti koje mogu imati specifične utjecaje na vode, sa lokacije pogona za proizvodnju ambalaže od plastičnih masa, izgrađenog na zemljištu označenom kao k.č. broj 909/1, 909/2 i 909/3 K.O. Mala Kladuša (novi katastarski operat), odnosno k.č. broj 10/4 K.O. Mala Kladuša (stari katastarski premjer), u naselju Mala Kladuša, na broju 67, općina Velika Kladuša; izdano od strane Agencije za vodno područje rijeke Save pod brojem: UP-1/21-3-40-560-5/22, dana 29.11.2022. godine,
- Kopija Izvještaja o monitoringu kvaliteta i kvantiteta otpadnih voda; urađen od strane Instituta za kvalitet, standardizaciju i ekologiju TQM d.o.o. Lukavac pod brojem 1/1, februara 2023. godine,

- Izmjena i dopuna Glavnog projekta sakupljanja, tretmana i ispuštanja otpadnih voda proizvodno-poslovnog objekta „2B“ d.o.o. Velika Kladuša; urađen od strane Instituta za kvalitet, standardizaciju i ekologiju TQM d.o.o. Lukavac pod brojem: 10-100/19, od jula 2020. godine, u Lukavcu (na uvid),
- Revizija Glavnog projekta sakupljanja, tretmana i ispuštanja otpadnih voda proizvodno-poslovnog objekta; urađena od strane Euroing d.o.o. Bihać pod brojem: REV 16-11/19, novembra 2019. godine, u Bihaću (na uvid),
- Kopija Ugovora o izvođenju radova br. 2050/22-DS sklopljen između naručioca „2B“ doo Vel.Kladuša i izvođača „Delta petrol“ doo Kakanj o čišćenju separatora i septičkih jama te odvozu otpadnog mulja i taloga sa lokacije naručioca.
- Zaključak o posebnim troškovima, izdan od strane ove Agencije, broj: UP-1/21-3-40-446-2/23, dana 30.10.2023. godine, te kopija uplatnice istih.
- Kopije uplatnica posebnih vodnih naknada za 09. 10 i 11. mjesec 2023. godine.

Nakon pregleda dostavljene dokumentacije, u skladu sa članom 12. stav (5) Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“, broj: 31/15, 55/19, 41/20 i 63/22), izvršen je uviđaj u krugu pogona za proizvodnju ambalaže od plastičnih masa sa pripadajućim manipulativnim površinama „2B“ d.o.o. Velika Kladuša, izgrađenog u naselju Mala Kladuša, općina Velika Kladuša, i tom prilikom sačinjen zapisnik o uviđaju broj: UP-1/21-3-40-439-3/23 od 02.11.2023. godine.

Pogon za proizvodnju ambalaže od plastičnih masa sa pripadajućim manipulativnim površinama je lociran u naselju Mala Kladuša, općina Velika Kladuša, sa lijeve strane magistralne ceste M 4-2.

U krugu pogona locirani su slijedeći objekti: proizvodna hala sa radnim prostorom za proizvodnju selotejp traka, upravnim i sanitarnim prostorijama, skladištem boja, skladištem repromaterijala, skladištem gotovih proizvoda, nadzemnim spremnicima ljepila (2x10 t), nadzemnim spremnicima UNP-a (10 m³), kotlovnicom, nadstrešnice iznad agregata, plinske stanice, internih saobraćajnih i manipulativnim površina te zelenila.

Na prostoru predmetnog proizvodnog objekta se vrši proizvodnja na slijedeći način: - nabava samoljepljivih rolni dimenzija 1,8 x 7000 metara te izrada selotejp traka željenih dimenzija rezanjem i namotavanjem na prethodno pripremljene prstenove te skladištenje istih do odvoza krajnjem kupcu. Drugi dio proizvodnog procesa se odnosi na nabavu komponenti folija, ljepila i boje, nanos ljepila na folije te izrada selotejp traka sa štamptom uz nanos boje. U objektu su instalirane mašine za štampanje SILAT 33 (4 komada), tunel za proizvodnju selotejpa OMW 600/2, dva vertikalna silosa za ljepilo, krep traka za obradu folija sa sjekačicom rolni, mašina za pakovanje traka te viljuškar. Skladištenje boja se vrši u zasebnom skladištu unutar proizvodne hale, u hermetički zatvorenim limenim kantama.

Oborinske vode sa radnih i manipulativnih površina, koje mogu sadržati suspendovane materije, se slijevaju u okolni prostor, koji je nagnut ka koritu rijeke Kladušnice, koja protiče uz predmetnu parcelu.

Oborinske vode sa krovova objekata se sistemom horizontalnih i vertikalnih oluka svode do revizionih okana, a potom priključuju na sistem odvodnje oborinskih voda direktno u korito rijeke Kladušnice.

Fekalne otpadne vode iz sanitarnih prostorija upravnog objekta se odvođe cijevnim sistemom do septika a nakon toga se odvođe na uređaj SBR REG 12 na tretman i ispuštanje u recipijent.

Tehnološke otpadne vode od pranja mašina i radnih prostora se izvedenim kanalom u podnoj površini odvođe do uređaja za biološko prečišćavanje tehnoloških otpadnih voda SBR – REG 12 i nakon tretmana se ispušta u korito rijeke Kladušnice.

Podnosilac zahtjeva je uradio izmjene i dopune projektne dokumentacije zahtjevane prethodno izdanim vodnim aktom te izveo sve radove u skladu sa dinamičkim planom. Istom je predviđeno da se tehnološke otpadne vode prečišćavaju na SBR biološkom uređaju, kao i sanitarne otpadne vode. Uzevši u obzir da je uzorak iz 2017. godine pokazao prekoračenje suspendiranih materija, KPK, BPKs, ukupnog dušika, N, ukupnog fosfor, P te nedozvoljene vrijednosti na test toksičnosti (Daphnia magna), a uzorak iz 2019. godine je pokazao prekoračenje ukupnih suspendovanih materija, hemijske potrošnje kiseonika, biološke potrošnje kiseonika, ukupnog azota te taloživih tvari po Imhoffu, tražena je dopuna projektne dokumentacije. Nakon ugradnje uređaja za prečišćavanje a prema izvršenom monitoringu kvaliteta i kvantiteta otpadnih voda navedenom prethodno, ocjena monitoringa uzetih uzoraka otpadnih voda nakon tretmana, po izvještaju iz februara 2023. godine zadovoljavaju granične vrijednosti emisije propisane Uredbom o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka cc) Uredbe o uslovima ispuštanja otpadnih voda u okoliš i sisteme javne kanalizacije,

Na osnovu provedenog postupka konstatuje se da je podnosilac zahtjeva „2B“ d.o.o. Velika Kladuša ispunio minimum uslova za izdavanje vodne dozvole za ispuštanje oborinskih onečišćenih voda te je riješeno kao u dispozitivu ovog rješenja..


Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98 i 8/00).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta: Fuad Mujagić, dipl. inž.

Po ovlaštenju
Rukovodilac sektora za izdavanje vodnih akata

Haris Ališehović, dipl. inž. građ.

Dostaviti:

- „2B“ d.o.o. Velika Kladuša, Mala Kladuša br. 67, 77 235 Mala Kladuša
- AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča - AVP Sava